




柳田文庫
文庫11
D 268
2



文庫11
D 268
2

元經薛氏傳卷三

經東晉元帝太興元年帝正月帝卽位三月立皇太

子

無傳卽明帝也

夏四月戊寅禁招魂葬五月王敦段匹磾

殺劉琨六月帝親雩戊戌立皇子晞爲武陵王初置

諫鼓謗木七月戊申詔州牧舉善察惡十一月新野

王弼薨庚申詔公卿上封事新作聽訟觀已邪琅邪

王渙薨復立皇癸巳詔旌吳賢

傳曰元帝諱睿字景文宣帝曾孫琅邪恭王觀二

子幼有令聞不顯灼然之迹蕩陰之敗也帝懼禍

柳田泉文庫

010190558695

將出奔而月明無由去有頃雲霧晦暝因潛得去
成都王穎先令諸關無出貴人帝至河陽爲津吏
所止從者宋典鞭帝馬曰官禁貴人汝亦被拘耶
吏聽過至洛陽迎太妃歸琅邪永嘉初用王導計
求鎮建鄴西都不守帝於三月卽帝位經書正月
卽帝位者西祚已盡東晉首新故必於大興元年
正月卽位春秋所謂正始也且明中興始焉招蒐
葬非古禮也漢魏之術皆妄也葬之爲言藏也仁
人於其親掩藏歸穴不豐不儉必約於禮焉延陵

季子曰蒐無不之此言葬形非葬蒐矣禁之禮也

劉琨旣奔歸段匹磾弟未波納石勒厚賂潛欲段
匹磾以琨爲內應事覺爲匹磾所囚王敦密勸匹
磾害琨縊殺之書曰王敦段匹磾殺劉琨言二兇
同惡殺賢人也帝親雩旱也春秋凡啟蟄而郊龍
見而雩始殺而嘗閉蟄而蒸養五年秋大雩二十
八年八月大雩皆傳云旱也今帝親雩善得禮也

按西晉四主凡五十二年大旱多矣未嘗親雩以
祈農事今元帝中興能修雩祀誠得禮矣雖非龍
見於
無時皇子晞第四子封武陵王正也

事迹在武帝
太元六年

初置諫鼓謗木者書賢君能復古道有意於治矣
 詔州牧舉善察惡戊申詔云州牧刺史相檢察不
 得阿私長吏有志在奉公而不見進用者當受關
 塞之責此明東晉之治先乎旌別矣新野王弼者
 汝南王之子書薨得禮也十一月詔曰災異屢興
 咎徵仍見壬子乙卯雷震暴雨天災譴戒彰朕不
 德公卿各上封事具陳得失朕將親覽焉聽訟觀
 者外朝別館也帝始精國政慮民訟壅隔特作此
 觀古之道也

堯開衢室聽於民其是之謂乎

琅邪王渙帝子也既

踐祚以子哀奉琅邪恭王祀哀早世更以皇子渙
 為琅邪王王薨復立皇子昱為琅邪王經言琅邪
 中興之國祀不可絕故書曰復立昱重繼也癸巳
 詔曰漢高經大梁矣無忌之賢齊師入魯修柳下
 惠之墓其有高德名賢或未旌錄者具條列以聞
 書元帝得古義也舜紹堯興滅國繼絕世舉逸民
 天下歸心焉周武克商封比干之墓式商容之間
 斯皆聖王初興必賴賢獻共格于治元帝渡江首
 下此詔宜也

元經 卷三 三
經太興二年春帝正月迎梓宮于平陽不克二月徐
龕討平賊周撫夏四月陳川以浚儀叛徐龕以太山
叛陳安以秦州叛五月將軍祖逖討石勒戰于浚儀
甲子 史周訪討平賊杜曾七月太常賀循卒冬十
月十一月石勒僭號趙南陽王保稱晉王于祁山
傳曰恐懷二帝皆播遷于平陽崩于劉聰皆不書
葬言不得其禮終也至是正月丁卯崇陽陵毀五
月癸丑又大陽陵毀帝素服哭三日乃遣將軍梁
堪修復山陵迎梓樞于平陽書曰不克存孝思也

按存陽崇晉文帝陵也大陽陵惠帝陵也二陵在
西都為劉曜所發掘書曰毀言陵自毀不忍書發
也

賊周撫者一名固為彭城內史殺沛國至是太

山太守徐龕討平之斬撫傳首京師書告功也時

建鄴為京師四月陳川徐龕陳安三者同書叛言中原

未能平也平北將軍祖逖與石季龍戰于浚儀王
師敗績書皆陣曰戰不書敗者嘉祖逖之忠有志
為晉平中原君子不欲其敗也故諱其敗績甲子
安南將軍周訪討杜曾之賊戰于武當斬之書功
也賀循者其先慶氏避漢宣諱改賀氏始為琅邪

王司馬為參佐隨帝南渡加開府儀同三司既卒

旌中興之臣也石勒據襄國劉曜遣使持節署勒

進爵趙王封二郡如曹公輔漢故事書僭號者連

劉曜皆貶之也案石勒載記張賓等上疏請即皇帝位合二十四郡為趙國內復冀

州之境南至孟津西達龍門東至河南陽王保者

南陽王子也愍帝初立以保為右丞相至是

自稱晉王秦州之地涼州張寔立之也按卒史保

傳曰保秦州刺史陳安迎保喪天子禮葬於上邽亦謚曰元

經太興三年帝正月二月季龍寇厭次刺史邵

續戰沒三月慕容廆來獻玉璽夏四月枉矢流于翼

軫五月太子詮遇害于平徐龕率眾來降六月

盜殺涼州張寔弟茂立將軍祖逖破石勒軍

八月辛酉遷神主于太廟將軍周訪卒皇太子釋奠

于太學九月徐龕復叛于趙

傳曰邵續者孰謂曰散騎乘之子也王浚假

樂陵太守屯厭次石勒既破王浚獲續子又遣

人續續泣曰我出身為國豈得顧子為叛臣遂

與段匹磾共攻勒多勝捷帝以續為冀州刺史為

石季龍所襲被執續呼其兄子竺曰吾志在雪國
難以報所受不幸至此汝輩自勉奉匹磾為主勿
有二心季龍送續于勒勒讓之曰夷狄不足爲君
耶何無上之甚也續對曰晉未饑亂奔控無所故
囚保合鄉宗庶全老幼言歸于晉仍荷寵授期盡
忠節實無二心恐不容于明朝矣昔周文王生于
東夷大禹生于西羗帝王之興當何常耶囚去真
卽僞不得早扣天門者大王負囚囚不負大王也
勒曰忠於其君者吾所求也竟遇害書官以歿嘉

其忠也燕慕容廆時平州刺史崔毖陰結高麗及

宇文段國伐廆欲分燕地廆與戰入宇文之營獲

皇帝玉璽玉紐遺長史裴疑送于建鄴書來獻嘉

廆不忘晉舊也枉矢者何流星類也本志謂凡星

自上而降曰流自下而外曰飛大者奔虵行者姦

事也枉矢類流星而色蒼黑虵行望之如有毛目

長數尺主反萌亦爲以亂伐亂

按翼二十三星天之樂府又主夷狄

軫四星主冢宰輔臣又主車騎今枉矢流於其間象羣胡亂中華有南侵之應

太子没于

劉聰至是遇害帝三日哭之禮也徐龕先以太山

叛于趙至是偕石勒率衆來降 官貶龕反復

雖降不爲可信失盜殺張寔者何曰京兆人劉引

挾左道客居涼州燃燈懸鏡於山穴爲光受道者

千餘人寔左右皆事引引鄉人關沙牙門 仰引

謂曰天與我神璽當王涼州沙仰密與寔左 十

餘人謀殺寔奉引爲主寔潛知其謀乃收引先

之而沙等不之知以其夜害寔書曰盜微者無名

氏也寔子駿年幼故衆立其弟茂茂但受涼州牧

而以兄子駿爲西平公書茂繼立者賢之也

按茂太寧

三年卒臨終執駿手曰先人以孝友此稱世執忠
順今雖華夏大亂汝當謹守臣節上不負晉主下
保百姓吾氣絕之日白袷入棺 祖逖字士雅世吏
無以朝服以彰吾志故書曰賢

二千石爲北州舊姓性然蕩不修儀檢元帝南渡

逃避亂淮泗帝用爲徐州刺史逖渡江中流擊楫

而誓曰祖逖不能清中原而復濟者有如大江屯

於淮陰鑄兵器而後進石勒遣將陶豹來戰逖使

韓潛追擊于汴水豹宵遁由是黃河以南盡爲晉

土不言破陶豹而書破勒軍大其功也遷神主于

太廟時初建宗廟舊儀多闕或以惠懷二帝應各

為世則穎川世數過七宜在迭毀事下太常賀循
議曰商之盤庚不序陽甲漢之光武不繼成帝懷

帝上繼太祖不繼惠帝弟不繼兄惠帝尚在太廟而懷

帝復入數則盈八八世其名一也盈八之理由惠帝不出

非上祖宜遷也書遷神主言遷毀議定猶八室也

天子七廟古之道也其間有兄弟繼立則於義非二世按晉元帝太廟七世即自豫章太守量量生穎川太守雋雋生京兆尹防防生宣帝懿懿生景帝師師生文帝昭昭生武帝炎炎生忠帝哀哀生懷帝熾武帝孫鄴是為愍凡九神主除景帝雖為文帝兄弟義著祖宗百世不毀則是上自穎川次京兆及宣景文武惠懷愍元八室神主昭穆始倫也訪者字士達家潯陽與

陶侃結友前後征討多戰功智勇過人與中興名

將李矩郭默相結慨然有平河洛之志王敦雖懷

逆謀然終訪之世不能為非年六十一卒贈征西

將軍書官而終貴之也太子諱莫之禮久廢江南

文物始修於茲有以見人君先齒胄之禮由大學

而興乎徐龕復叛于石勒不書石勒而書趙者言

中原分裂猶敵國也故書國且言晉衰矣

經太興四年春帝正月二月徐龕來降鮮卑末波獻

信璽癸亥日鬪二月置諸經博士夏四月段匹磾沒

于趙七月戴若思劉隗王導都督司空八月常山崩
九月將軍祖逖卒十二月慕容廆為都督幽平諸軍
事

傳曰徐龕復來降其去也可貶其來也可恕故君
子亦書之以懷後至者也鮮卑末波者段匹磾從
弟也襲匹磾而附石勒及中興末波奉送皇帝信
璽于我鮮卑國也末波是其名也若春秋書長狄
僑如之類別無官族褒貶之例癸亥日鬪者何曰
本志謂太興元年乙卯日夜出高三丈有赤青珥

四年二月癸亥日鬪三月癸未日中有黑子皆帝

寵幸劉隗而擅威福王敦囚之舉兵犯京師禍及
忠賢之兆也置諸博士博士秦官也漢因之九經
皆有博士魏晉學校不絕元帝中興置周易儀禮

公羊三經博士書曰諸經皆當備置也

逸按本史經任博士

考毛詩即有文立周禮即有陳郡春秋三傳有劉
兆二禮有范隆尚書有董景道周易有續咸五經
音訓有徐邈此皆
晉儒之著聞者也段匹磾者鮮卑人王浚表為遼

西公後遷幽州刺史至是與石季龍戰敗被擒於
襄國嘗著朝服持晉節乃遇害書沒于趙趙晉敵

國也匹磾不書官貶也曷謂貶曰匹磾始與劉琨

結盟事晉琨窮來歸之而匹磾害琨故旋踵亦被

禍大計一虧小忠無益也按劉琨傳王敦使匹磾殺琨又恐琨衆反已遂

矯詔收琨琨聞敦使至謂其子曰處仲有使來而不告我是殺我也因獻款為匹磾縊死戴若

思劉隗王導同書者何曰皆佐命功臣也若思屈

于王敦劉隗奔于石勒各不保其終王導者誅王

敦有大勲於東晉然同書者舉其始所以待其終

同其恩所以異其效爾若春秋書齊侯宋公鄭伯

許男滑伯滕子同盟于幽但書其同盟無復以爵

先後為義也逸按戴劉王三賢並佐命者王敦傳云帝用劉隗戴若思外以討胡為名

其實禦敦是也常山崩書異也若春秋書梁山崩杜云

繫其所災不繫其國梁山不書晉者名山不以封

也今經所書者記災異也言山有朽壞而崩非災焉記異者蓋言一時之

異無繫災咎也祖逖字士雅范陽人元帝中興逖有振復

之志誓以期清中原遷豫章刺史累破石勒進逖

為鎮西將軍石勒不敢窺兵河南逖據武牢恐南

無堅壁乃率衆築壘未成而病俄而卒于雍丘年

五十六豫州士女若喪考妣書官以卒嘉其忠也

慕容廆為都督幽平諸軍事初廆元康中居大棘

城大棘城顯為鮮卑都督累有戰功至是受都督

幽州軍事平州牧書于經懷外夷也

經永昌元年帝正月改元王敦反三月帝大閱于郊

外夏四月王敦自為丞相殺戴若思周顛五月周慮

反殺將軍甘卓六月旱秋七月太山陷于趙冬十一

月太尉荀組薨閏月乙丑帝崩于內殿

傳曰王敦反者何司徒王導從父兄也潘滔嘗曰

處仲敦字蜂目已露但豺聲未振爾若不噬人亦

為人所噬東海王越以敦為揚州刺史元帝興以

敦為帥時劉隗用事頗踈聞王氏帝惡敦而畏之

遂引劉隗刁協為心腹敦益不平至是舉兵內向

以誅劉隗為名帝下詔曰王敦憑恃寵靈敢肆狂

逆方朕太甲欲見幽囚今親帥六軍以誅大逆有

殺敦者封五千戶侯三月帝大閱者帝親被甲狗

六師于郊外將伐王敦此先閱兵也春秋桓六年

八月壬申大閱傳云簡車馬也周禮大司馬之法

仲冬教大閱戒衆庶脩戰法菜所田之野陳車徒

斬牲以誓曰不用命者斬之鼓戒三闕車三發徒
 三刺若大師則掌戒令及戰則巡陳視事而賞罰
 之大師謂王親征伐也書曰帝大閱言得禮也王
 敦自為丞相非帝命也敦既克石頭乃收周顛戴
 若思曷謂與逆臣同貶曰顛與若思帝委重兵不
 能善謀討賊而自取夷戮亦猶一賊耳故皆貶宜

矣

春秋書趙盾不能討賊也况周顛戴若思各領
 兵奉王命討敦而不克雖不書官亦可貶其無

功甘卓字季思西晉之亂避難棄官東歸遇陳敏

後討陳敏有功累遷梁州刺史鎮襄陽王敦向闕

也卓露檄遠近陳敦肆逆率所統討之雖懷義正
 而性不果毅軍次豬口累旬不前敦大懼遣使求
 和謝卓曰君旋軍襄陽當更結好卓即還軍會襄
 陽太守周慮承敦意詐言湖中捕魚乃襲害卓書
 曰周慮反者言慮受晉官陰附王敦殺害忠黨故
 先書其反而後殺卓疾惡甚也卓書官貴之也七
 月石季龍攻太山執其守徐龕不書守守賤不足
 書焉惜太山琅邪之國陷于賊不復歸矣荀組者
 荀藩之弟也

字大章

惠帝西幸以組為河南尹兄弟

貴盛懼不容于世雖居大官但諷議而已洛陽陷
 組藩皆出奔愍帝時組藩共保滎陽之開封元帝
 與組移檄勸進大興初逼於石勒乃渡江錄尚書
 事遷太尉書官以薨貴舊德也乙丑帝崩于內殿
 終以正也帝為王敦所逼下凌上辱憂憤而殞故
 葬速禮有闕如也按本史云晉室紛亂皇輿播越
 天命未改人謀叶贊經路區區
 僅全吳楚終以下凌上辱憂憤告謝蓋
 恭儉之德雖尤而雄武之畧不足也

經

明帝太寧元年春正月帝即位癸未黃霧四塞蜀

李驥破譙登越雋漢嘉降于蜀二月葬元皇帝壬申

隕霜殺穀

無傳按春秋霜殺草猶書況麥北乎

三月饒安東麥安凌縣

災王敦求徵五月京師大水六月壬子立皇后庾氏

將軍陶侃平交州梁碩秋七月劉曜滅陳安八月石

季龍殺青州刺史曹嶷

傳曰明帝諱紹字道畿元皇帝長子也建興初立

為皇太子永昌元年閏十一月庚寅即皇帝位經

書太寧元年正月帝即位者端其本始也

按穀梁春秋正

始所以端本也癸未黃霧本志曰是時王敦擅權謀逆之

兆也李驥者李特之弟也特子雄僭號以驥領兵

征涪執梓潼太守譙登又越雋漢嘉等郡皆下之
 曰書降于蜀蜀王雄盛開拓漸廣也饒安諸縣災
 春秋言內災繫宗廟社稷則書外災來告亦書之
 元經天下之書也無分內外凡天火譴戒則書焉
 饒安東光安陵災燒七千餘家死者萬五千人此
 災尤大者也本志謂信道不篤或燿虛偽讒夫昌
 邪勝正則火失其性雖興師不能救是謂火不炎
 上蓋王敦威侮朝廷多行無禮極陰生陽之禍王
 敦自為丞相專朝政將謀篡位諷朝廷徵已帝不

得已以手詔之敦遂起兵下蕪湖窺鬲而動也五

月大水春秋之例曰平原出水為大水

按桓元年秋大水十

三年夏大水今夏大水亦傷禾稼故元經因舊史書災異

皇后庾氏者庾琛之

女也明帝即位立為皇后册曰妃庾氏昔承明命

作嬪東宮履信思順以成肅雍之德正位閨房以

著協恭之美崇嫡明統載在典謨宜建長秋以奉

宗廟使使持節兼太尉授皇后璽綬母儀天下潛

暢后教其敬之哉經書正也

按琛贈驃騎大將軍儀同三司兄亮管詔

命官至中書令交州賊梁碩者攻陷交州殺刺史王諒平

南將軍陶侃遣將高寶討碩斬之傳首京師告功也陳安者何曰初為劉曜將也遣安擊張春滅之安於是叛曜至是曜討安于隴城殺之書曰劉曜滅陳安兩名猶春秋諸侯相滅非王命而滅之者皆為不道也故兩書名俱貶也

按春秋小國相滅齊威公不能救則威公耻之故狄滅邢滅衛而齊威以邢遷夷儀遷衛楚丘所以與滅繼絕須伯者行之且言

晉不王時無伯政使亂臣賊子互相屠滅有足傷

焉司馬九代之法其最重者內外亂鳥獸行則滅之無是之罪明不可滅也劉曜滅陳安陳安殺張春張春弒晉王此三者皆非法互相賊害元經傷之矣

曹嶷者建武初為青

州刺史與并州劉琨幽州段匹磾冀州邵續兖州

邵續兖州劉演皆附元帝勸進為晉藩屏至是趙

將石季龍攻陷青州嶷遇害稱官見殺閔忠臣也

經太寧二年春帝正月帝臨朝懸而不樂石季龍寇

兖州三月劉曜寇魏興南陽夏五月王敦矯詔以含

應為將軍七月壬申帝躬率六軍討王敦敦戰敗憤

卒丁酉帝還宮大赦賞功臣有差冬十月王導為太

保西陽王羨為太尉豫州祖約保壽陽十二月帝謁

建平陵

傳曰帝諒陰始臨朝行元會饗宴禮具宮懸不考
聲言天子喪制行告禮故懸而不樂權宜也趙將
石季龍攻我兗州刺史劉遐退保泗口三月劉曜
遣其將康平攻我魏興及南陽言二趙日侵晉也
敦矯詔以其子應爲武衛將軍兄含爲驃騎大將
軍自樹其族將謀篡也丁卯王導爲大都督溫嶠
爲中壘將軍卞敦守石頭城應詹爲護軍郗鑒行
衛將軍都督從駕庾亮領左衛卞壺行中軍將軍
王邃祖 劉遐蘇峻陶詹等環衛京師七月壬申

布躬率六軍出次南皇堂至癸酉夜募 壯士卒
千人渡水淹 不備大破之斬敦前鋒何康於是
敦憤惋而卒乙 敦衆濟水至宣陽門劉遐蘇峻
自南塘橫擊大破之賊黨悉平丁酉帝還宮大赦
惟敦黨不原封王導 始興郡公溫嶠建寧縣公
卞壺建興縣公庾亮 縣公劉遐郡陵縣公蘇
峻郡陵縣公郗鑒高平縣 應詹觀陽縣侯趙胤
湘南縣侯卞敦益陽縣侯其餘封爵各有差賞平
賊之功也王導西陽王羨書並命得賢輔也祖約

爲豫州刺史是時石勒將石生屯洛陽謀攻我豫州約退保壽陽晉日削也十二月帝謁建平陵行大祥之禮古者不封墓至漢而下帝王陵皆立廟大祥謁廟以明孝思行之可也

經

太寧三年春帝正月二月戊辰復三族刑三月壬

辰立皇子衍爲皇太子癸巳徵任旭虞喜爲博士

四月詔議政道論直言五月陶侃都督荆湘雍梁州大旱自正月至于月秋七月郟鑿都督青徐二州詔興滅繼絕及五郊祀秋八月戊子帝崩于東堂九

月癸卯太后臨朝辛丑葬明帝于武平陵冬十月癸巳朔日有蝕之

傳曰復三族刑惟不及婦人本志謂謀反大逆夷其三族不在律令所以嚴惡類也又云女子有三從之義無自專之道若父母有罪而刑已出之女或夫黨坐誅又有隨姓之戮一人之身內外受刑今女旣嫁則爲異姓之妻如或產育則爲他族之母嬰戮非所以哀矜柔弱故三族刑因王敦大惡之後行以戒其惡也不及婦人矜無辜也

皇子衍長嫡也為皇太子正也處士任旭字次龍
臨海人元

書召才出事具隱逸傳虞

喜字仲寧 賀循為司空先達貴顯每

請喜自云不能測也 王導建學校下詔曰夫

興化致治莫尚乎崇道教 明退素也任旭虞喜

並潔靜其操歲寒不移研精典墳前雖不至今更

以博士徵之事具儒林傳四月詔曰大事初定其命維

新宜令太宰司徒以下詣都堂參議政道諸所因

革務盡事中又詔曰苟有一言亮正予違汝弼望

共勗之史言明帝聰明有機斷尤精物理雖享

日淺而規模宏遠觀二詔可知矣陶侃都督荆襄

等四州本史謂明帝分上流之勢強本弱枝國之

善謀也郗鑒自明帝時假節鎮合肥帝仗鑒為外

援既平王敦又委鑒東北以禦趙寇也詔曰三恪

二王世代所重興滅繼絕政道所先又宗室哲王

有功勛於大晉佐命功臣開國昭王誓同山河苟

廢絕禋祀甚用傷懷主者詳議應立後者以聞又

詔曰郊祀天地帝王之重事中興以來惟南郊未

嘗北郊故四時五郊之祀都不復設載在祀典應望秩者悉廢而未舉主者依舊詳處二詔皆古之道也書于經足以為萬世法矣八月壬午帝不豫召大宰西陽王羨司徒王導將軍陸曄丹陽尹溫嶠受遺詔輔太子丁亥詔曰昔周公匡輔成王霍氏扶育漢昭義存前典功冠二伐豈非忠臣之道乎敬聽顧命受任託付雖有內外其致一也不有行者誰扞牧圉譬若唇齒表裏相資百辟卿士其總已以聽冢宰保幼冲人戊子帝崩于東堂正其

終九月太后庾氏臨朝稱制帝幼故也

按明穆傳曰羣臣奏

天子冲幼宜依漢和熹皇后故事辭讓四乃臨朝后兄亮詔命公卿奏事稱皇太后陛下

辛丑葬明帝于武平陵禮也十一月日蝕本志謂

癸巳朔日蝕在卯至斗斗吳分也蘇峻作亂之兆

也按蘇峻平王敦有大功及受顧命峻不負此怨望而庾亮倚后威欲害峻於是謀逆故日蝕者后不明也

元經卷三終

元經薛氏傳卷四

經晉成帝咸和元年春帝正月帝卽位二月丁亥赦
改元夏四月汝南人執內史祖濟叛甲子僕射攸卒
六月徐州刺史劉遐卒秋七月江州刺史應詹薨九
月蜀人寇涪陵冬十月汝南王祐薨封魏後勵南頓
馬氏伏誅十一月壬子大閱于南郊趙將聰寇壽陽
不克十二月劉闔叛于趙梁王翹薨

傳曰成帝諱衍字世根明帝長子也去年閏八月
卽皇帝位今年正月始書卽位者春秋所謂正始

也大赦改元咸和循常制也

按元帝即位大赦改元建武自此以至明

帝即位大赦改元未為典制矣

四月汝南人執內史祖濟小之也

言且與眾同叛爾

按春秋僖五年晉人執虞公書晉人執虞公罪虞且言易也十

九年人執鄆子用之杜預云凡諸侯稱人以執者如民為辭也經書晉侯執曹伯者不及其民也

則是汝南人執祖濟叛于趙者人眾叛也鄧攸字伯道襄陽人永嘉時

為河東太守陷于石勒逃歸元帝時為吳郡太守

入拜侍中久之遷尚書右僕射卒書官嘉良吏也

按鄧攸事具良吏傳十二人劉遐字正長廣平易陽人冀方比

之張飛關羽間道歸元帝授以節度討周撫有

徙臨懷太守王敦之亂遐自彭城赴京師平王含

封泉陵公遷徐州刺史至日卒誌功臣也應詹字

思遠南頓人也魏侍中璩之孫也以學藝文章稱

王澄為荊州詹督南平天門武陵三郡事聞洛

陽傾覆詹攘袂流涕勸澄赴援乃為檄詞義壯烈

見者慷慨澄不能從上元帝假節以詹為建武

將軍上疏陳便宜曰先王設官使君有常尊臣有

定下至亡秦罷侯置守綱紀廢弛興雜建

侯守后參古跡大荒之後朝廷改創宜固先

舉元功以爲封首又曰元康以來賤經尚遁以玄
虛爲夷達以儒術爲鄙俗末嘉之弊未必不由此
也今雖有儒官教養未備宜修辟雍崇明教義先
令國子授訓然後皇儲親臨釋奠如此則普天尚
德率土知方矣平王敦詹爲前鋒以功封觀陽縣
侯都督江州上疏曰夫欲用天下之智力者莫若
使天下信之也昔冀缺有功胥臣蒙先茅之賞子
玉軍敗子文受賈之責漢宣帝時二千石有月
職修明者入爲公卿其不稱職免官還爲平人懲

勸必行歷世長久中遷不足勸免不足懼以此
責成未見其可王敦新人情未安詹撫而懷之
莫不歡心疾篤與陶侃書曰神州未夷四方多難
足下宜務建洪範雖休勿休書薨者詹贈儀同三
司且褒名臣也九月蜀李雄張寇瀋陵執太守
謝俊書蜀者賊衆也汝南王祐文成王亮之子祐
字永猷元帝渡江襲封汝南王謚曰威書薨得其
終也曹勵者魏武帝之孫也去年詔三恪二王應
立其後者以聞至是封勵陳留王以繼魏後書得

禮也

按晉武受魏禪與封陳留王故今曹勵襲與之舊封

南嶺王宗有罪宗

西陽王羨之弟也與兄羨俱過江明帝踐祚宗與

虞胤皆為帝所親昵委以禁旅連結輕俠恃宗盛

至是怨望形於辭色御史中丞鍾推劾宗謀反庾

亮使收宗宗以兵距戰為亮兵所殺詔貶為馬氏

書曰南嶺不稱王貶也稱伏誅國誅之文也壬子

大閱王導策不廢武備也春秋桓六年秋八月壬

午大閱簡車馬皆於農隙講事不軌不物則為亂

政故有國家者不可廢閱禮也

謂明年蘇峻反賴王導有武備張本

石勒使其將石聰攻壽陽不克言祖約保壽陽足

以拒聰也

前年石生屯洛陽祖約為有備也

劉闡

為濟嶧太守殺內史夏侯嘉叛歸石勒不書殺內

史以叛罪大也

叛逆罪大不書殺也

梁王彤無子以武陵王

澹子禧為嗣是為懷王没于石勒懷王子翹自石

氏歸國得立是為聲王經書薨貴宗室也

經

咸和二年春帝正月秀才龐貴起義兵攻李雄三

月益州地震五月甲申朔日有蝕之秋七月冬十月

劉曜掠河南地十一月祖約蘇峻反司馬流帥師與

峻戰死之廣陵郟鑒帥師赴京師

傳曰寧州秀才龐貴起義兵攻雄將任回不克不

稱將書秀才嘉之也益州地震本志謂蘇峻作亂

之兆

按咸和二年二月江陵地震三月益州地震四月豫川地震江陵即應峻之亂益州即應

蜀主李雄廢太子立弟班召亂之萌也

甲申日蝕本志日在井井主

酒食中饋女主之象明年皇太后憂崩之應也劉

胤者何曜之子也初曜伐涼州張茂稱藩于曜為

石勒所敗茂復攻曜掠春州使抱罕護軍辛晏等

與曜子胤相持七十餘日胤濟師逼抱罕 敗之

遂畧河南地言劉石相攻將亡之漸也

按劉曜既克張茂後

議廢長子熙而立少子胤胤泣曰慈父之於子也當存鳴鳩之仁何可替熙而立臣臣請死以明

赤心乃止後與石勒戰敗被擒國乃滅矣

十一月豫州刺史祖約歷陽

太守

西平將軍不預明

帝顧命遂懷怨望蘇

未嘉之亂百姓

流忘推峻為安集將軍

封邵陵公自

有銳卒萬人潛有異志

徵峻為大司

農峻疑亮害已乃潛結祖約以討亮為名書反以

祖約為首貶世卿也

祖約以遜功受不同而

與蘇峻為亂實首惡故

先書而十二月峻兵入姑熟詔左將軍司馬流戰

賊于慈湖流敗死之罪在庾亮也庾亮用遣

亮失策也郗鑒鎮廣陵聞蘇峻反鑒司馬劉

人宿衛京都又設壇刑白馬大誓曰賊臣祖約

不恭天命不畏王誅制脅幽王拔木塞源率

兆庶泣血咸奉辭伐罪以除元惡昔戎

桓糾明董卓凌漢群后致討義存君親古

今我同盟戮力一心以救社稷書廣陵重

其外鑒本傳曰明帝初即位王敦專制內

西將軍都督
楊州諸軍

經咸和三年春帝正月將軍溫嶠帥師救京

潯陽二月庚戌六軍與峻戰于西陵王師敗績

庾亮出奔潯陽丁巳峻嶠詔以祖約為中書令

皇太后庾氏憂崩夏四月趙人攻宛王國叛

壬申葬明穆皇后五月乙未帝遷石頭太守虞潭

庾冰王舒起義兵于三吳丙午將軍陶侃溫嶠

魏該率舟師于蔡州六月賊攻宣城殺內史桓彝

壬辰廬江太守毛寶攻賊合肥援之八月劉曜石季

龍戰于高塘九月司徒王導奔白石

白

月蜀將張龍寇

石

之

傳曰

過信為次此周之

速

速師老費財兵未有

次所以

次潯陽者王愆期陶侃

合勢討峻

温嶠遣王愆期鄧嶽紀穆三帥為前鋒

鍾雅趙胤三帥次之丁未峻自橫江

濟

壺督六軍與峻戰于西陵王師敗

績峻攻

師又敗于壺羊曼周導陶瞻皆

死之壺不

其死也

按于壺字望之濟陰人有名譽

爵元帝召為從事累遷尚書令峻反

軍

將軍與峻戰敗發背瘡未合力疾而戰遂

子胗肝見父沒相隨赴賊同時見害妻裴氏

尸哭曰父為忠臣子為孝子夫何恨乎數將雅

壺為

著 庾亮為蘇峻敗

門外亮走乘小船西

奔携三弟懌脩翼投江

與共推陶侃為盟

主侃左相稱勸不書官貶

貶曰亮以舅氏

專朝政作遺詔褒大臣而陶侃不在其列是以蘇

峻與約舉兵誅亮失於先見 按亮本傳云南頓王

宗謀廢亮執政殺宗又廢美盛使元者又先帝保傳天下以亮剪削宗室者宗之黨也與宗俱誅咸和間亡奔蘇峻峻道微舉朝皆謂不可亮不聽宜峻與祖約反稱亮故經貶之以戒專政失業也

祖約自平王敦以進鎮西將 陽為北境藩扞

蘇峻舉兵遂推約為太尉 亮峻敗約奔

石勒 按祖約本傳云奔石勒勒人約之禍反大飲醉逆殺百餘皆滅盡 書矯詔為

中書令譏亮召亂也皇太后 陽門兵敗賊揮戈

接於帝坐突入侍人皆見掠奪庾氏以此憂辱而

終書曰憂崩言不得令終也南陽太守五國叛降

石勒言趙強也葬明穆皇后即庾氏書葬得禮也

帝遷于石頭為蘇峻所逼也帝哀泣升車宮中慟

哭 石頭城在建鄴西北江灣之內 虞潭者翻之孫也討張昌平陳

敏皆有功累遷至吳興太守庾冰者亮之弟也時

為吳國內史王舒者導從弟也時為會稽內史以

三吳之兵拒峻將管韓商晃等書起義嘉之也 按虞

譚貌和柔而內堅明有決數統軍旅鮮有傾敗官至侍郎年七十九度冰稱素風為世所重攻

賊于石頭冰勲為多後入為中書監眾所歸咸稱賢相王舒潛心學植為吳中都督陶侃百京師上

舒監浙江東五郡軍事 陶侃初不預明帝顧命深以為恨温

嶠推侃為盟主 侃子為峻所殺 喪至侃不臨 乃會平北將軍魏

該以師四萬次于蔡州攻石頭書次者過信宿也

三日已上必告必告其次謹師律有漸也桓彝字

茂倫漢桓榮之九世孫也補宣城內史聞蘇峻作

逆彝慷慨流涕屯涇陽是時州郡多遣使降峻咸

勸彝偽與通和彝曰吾受國厚恩義當致死安能

與逆醜通問峻遣將韓晃攻彝固守經年勢孤力

屈城陷為所害故書賊攻宣城殺內史猶齊豹書

盜謂逆黨不須名也 春秋同二十年盜殺衛侯之 尤傳曰齊豹作不義其書為

盜今韓晃不名 而書賊同也 毛寶者孰謂曰温嶠參軍也蘇峻

之亂嶠以寶為前鋒時峻以萬斛饋祖約也寶設

策力戰奪其米約用大乏嶠嘉之上為廬江太守

攻祖約東關破合肥書拔之旌功且往逆黨也 傳云

賊遣韓晃攻寶南城寶登射殺數十人晃問曰君 是毛廬江耶寶曰是晃曰君名勇何不出關寶曰

君健將何不入關而退又討郭默及 賊將石遇有功庾亮上為豫州刺史 劉曜及石季

龍戰于高嶠季龍敗績曜遂 於洛陽 謂石勒擒 劉曜張本

司徒王導 白石初導侍帝峻 加害峻逼帝幸

石頭導爭之不得峻日肆醜言道 路未及二子

奔于白石白石即温嶠庾亮屯所也庚午陶侃使督護楊譙攻峻于石頭陣于白石峻輕出戰墜

馬遂斬之書賊衆大潰言餘黨不能復聚矣十月

蜀李雄遣將張龍寇涪陵太守趙弼没于賊經書

蜀不稱李雄言蜀久與晉相抗猶敵國焉曷謂稱

寇曰僭亂抗正侵我不已故書寇以貶其大過也

按雄載記云雄特第三子也 卽位南攻漢中克涪陵遠人繼至下寬大之令降附者皆假復除益

州遂十二月石勒自率衆向洛劉曜常乘赤馬無

故踣頓乘小馬出復飲酒斗餘至西陽門爲陣勒

兵乘之大潰曜昏醉奔退墜於渠爲石堪所執送

于勒書獲之執之也春秋之例凡諸侯身犯不義

而惡不及民則不稱人以執若晉侯執曹伯是也

僖二十八年春三月丙午晉侯執曹伯又成十三年二月執曹伯歸于京師傳曰晉侯執曹伯不及

其民也傳例云凡君不道於民而諸侯討執之則曰某人執某侯 今勒與曜皆僭

敵國而經兩名之無曲直之辭也稱獲之因舊史

文耳 按曜在位十年而敗自元海起懷帝永嘉四年僭號至曜五世凡二十七年而滅

經 咸和四年春帝正月帝在石頭二月建威長史滕

含奉乘輿還宮弋陽王羨薨夏四月乙未始安公温

嶠薨秋七月有星孛于西北九月石勒盡滅劉氏冬十月廬山崩十二月太尉陶侃討賊郭默

傳曰帝三年五月為蘇峻遷于石頭是時雖峻已

誅峻弟逸猶強盛故猶在石頭未反正也二月丙

戌諸軍攻石頭建威長史滕含以銳卒擊蘇逸大

敗之含奉帝幸温嶠舟中書乘輿還宮正也按温嶠傳

云滕含抱天子棄入嶠舟中群臣頓首弋陽王羨者汝南王亮之第

三子也亮宣帝第四子母伏太后元帝渡江累遷至太保明帝

寢疾羨與王導同受顧命依安平獻王孚故事設

床帳於殿上咸和初坐第南頓王宗免官降為弋

陽王至是蘇峻作亂羨述其勲峻既平賜死不書

伏誅諱也曷諱爾曰羨偽辭卑遜苟免一時之禍

其實非附峻也若王莽之世楊

情固焉伏誅國除刑太過矣君子哀之故舊書曰

死猶言自死不稱誅不與其誅也温嶠字太真博

學能屬文初為劉琨參軍元帝立嶠累遷至太子

庶子明帝朝拜侍中參綜機密轉中書令王敦入

輔嶠知敦不軌謬為設敬總其府事于說密謀以

附其欲補丹陽尹敦構逆嶠請爲備及平敦有功
代應詹爲江州刺史鎮武昌聞蘇峻有變嶠屯潯
陽率舟師赴難推陶侃同盟戎卒六萬旌旗百里
直至石頭嶠創建行廟設壇場書天地祖宗親讀
祝文聲氣激揚流涕被面三軍莫能仰視賊平封
始安郡公還武昌未旬日以齒疾中風而卒年四
十二書薨貴之也帝母書追贈侍中諡曰忠武初
葬豫章朝廷追其勲德作大墓
於元明二有星孛于西北本志謂犯斗二十三日
占曰有兵亂九月石勒盡滅劉氏石勒與劉曜之

子胤戰執其僞太子熙及胤等三千餘人皆殺之

族九千餘人來襄國劉氏自永嘉

四年僭立至曜三世凡二十七年而滅春秋勝國

通以滅爲文若楚 夔晉師秋齊師滅萊之類是

稱名者卽也滅邢是也經書石勒名之劉曜

氏之何也 貶勒以強 人之國不以義也古之

滅國猶存其嗣以嗣其先周滅紂封微子於宋是

也今勒殺劉熙胤及王公三千餘人故書曰盡滅

劉氏貶其酷甚也廬山崩本志云柴桑西地崖崩

九江刺史災也陶侃討郭默默為右將軍殺江州刺史劉胤不書官貶賊也

經咸和五年春帝正月詔除諸將任子夏五月太尉陶侃擒郭默斬之六月初稅田畝三升秋八月石勒僭皇帝位九月造新宮繕苑城

傳曰自蘇峻反後諸將多以子為質謂之任子至是王導慮郭默之不可制乃詔除任子之法郭默河內懷人也永嘉之亂默率眾自為塢主累遷至潁川太守誅蘇峻遷為右將軍被徵過潯陽潯陽

劉胤饋默酒二器脆一頭默投之水中矯詔襲殺之

殺之太尉陶侃聞之曰此必詐也圍之數重斬之傳首京師按郭默傳陶侃惜默驍勇欲活得之而默將宋侯等恐為侃見殺故不時出降而縛默求功即斬于軍門死者四十人焉

案本志云成帝始度百姓田取十分之一而畝稅米三升焉按元帝詔于石長史人多少為殿最非宿衛皆赴農使軍各自佃作即以

稟至成帝時將軍應詹上表曰古人言飢寒至堯不能使野無寇盜也貧富兼并雖臯陶不能使也宜簡流人興復農官依魏故事

石勒之僭久矣至是季龍賓等一百二十九

人上疏畧曰物望去劉氏

明公者十九焉

請以劉備在蜀魏王在鄴故事以大單于鎮撫百

蠻勒乃即皇帝位九月造新宮自蘇峻後始復宮

室也繕治苑城增固舊制春秋凡興造有書不時

國有非常則不然安王室設國備雖不時亦無譏

爾

按春秋書新作延廡新作廟門皆書不時例曰啓塞從時云耳元經則不然以安帝室廣城固

也制

經

咸和六年春帝正月趙將劉徵復寇婁縣司空郗

鑒都督吳國二月詔段遼為驃騎將軍五月壬戌朔

日有蝕之詔舉賢良直言之士夏四月旱秋七月蜀

將李壽復侵陰平

傳曰去年趙石勒遣劉徵來寇南沙進入海虞至

是劉徵又寇婁縣故書復寇言勒恃強不已也郗

鑒先出為會稽內史至是加都督浙東五郡軍事

備賊劉徵也段遼者何單于匹殫之後陸眷之孫

也自晉衰數據遼西之地其地西盡幽州東界遼

水遙命為驃騎通我好也三月壬戌日有蝕之本

志謂帝年已長每幸司徒第見王導夫人如子弟

之禮以人君而敬人臣之妻有虧君德之象也李壽蜀主之族子也偽漢王梁州刺史征伐屢勝開地千里侵我陰平 強也

經咸和七年春帝正月夏四月石勒將郭

秋七月太尉陶侃收復襄陽冬十

新宮

傳曰先是西中郎將趙弘及司徒中郎匡術

勒之馬頭塢勒將韓雍寇我南沙及海虞至是

郭 陷襄陽侃遣其子斌及南中郎將桓宣攻敬

破之 樊城竟陵太守李陽拔新野襄陽經獨書

侃勤王之師為治 帝居新宮請行在所

經咸和八年春帝正月詔舉力士

能舉一十
五百斤

丙寅獨

將李壽陷寧州癸酉張公庭為鎮西大將軍丙子詔

焚石勒之賂夏四月以束帛徵處士五月乙未遼東

公卒六月將軍王舒卒秋七月趙石勒死子弘嗣其

將石聰來降冬十月石季龍滅石明石生

無傳

十二月

將郭權來降

無傳

石生

傳曰詔舉力士不忘武備古之道也李壽攻我寧

州圍之百餘日遂陷凡師被圍無救曰陷且言蜀
寇強也張公庭者何涼州張軌之子駿也建興中
敦煌計吏耿訪到長安遇賊因渡江太興二年至
建業上書以州未知中興遣使顧爲鄉導屬連有
國難未果至是以訪爲治書御史拜駿鎮西大將
軍駿受上稱臣而不奉正朔猶稱建興二十九年
書字不名 之也石勒遣使致賂詔焚之責
其與我抗禮也翟 字道深潯陽人廉潔不屑世
事庾亮薦之徵爲博士不起虞喜字仲寧會稽餘

姚人大寧中與臨海

俱徵不就至是年太常

華恒舉喜爲賢良下

喜並守道清

正不營世務雖徵命而

難染而搜引

之禮簡乎政道須賢宜納諸廊

以散騎常侍

徵之不起書曰處士以道自處也慕容廆鮮卑大
單于咸和五年加廆侍中開府儀同三司廆與陶
侃箋曰舊都不守奄爲虜庭深惟文武之士過荷
朝榮不能滅中原之寇刷天下之耻君侯植根江
陽發曜荆甸仗葉公之權有包胥之忠而白公伍

員始得極其暴竊爲丘明恥之今吳士英賢比肩而不輔翼聖王討逆暴之羯檄命舊都之士招懷存本之人豈不若因風振槁頗坂走圓哉楚漢輕重惟在君侯若悉五州之衆據兗豫之都則羯寇必滅虜在一方無由自發故遠陳賤言不宣侃等議請封虜爲燕王朝議未定而虜卒其第三子皝嗣位爲平州刺史督攝部內書遼東公卒嘉其欲附也王舒執謂曰導從弟也隨元帝渡江累遷至撫軍討蘇峻逆黨韓晃有功封彭澤侯諡曰穆經

書官褒功也石勒自太興二年僞稱趙王至咸和五年僭號趙帝至是卒書曰死者不與其君崩也爲臣薨也書死以其國位不正之稱乎石聰者勒之族子與石季龍有隙遂來奔其實奔而書降何也曰晉中國趙非列國之敵也故書來降

經咸和九年春帝正月隕石于梁州二三月會稽地震夏四月石季龍攻郭權陷之六月蜀李雄死姪班嗣乙卯太尉陶侃薨江陵公陸曄卒蜀李期弑其主班十二月石虎弑其主弘趙人朱縱來降

傳曰隕石隕星也春秋僖公十六年書隕石于宋
五今涼州張駿分野仲尼筆法誌其災異以應人
君奉天戒修新政也不爲涼州言吉凶也左氏所
謂陰陽之事非吉凶所主是也地震會稽者災異
及於大臣乎是時陶侃薨之應也趙生鎮關中起
兵討石季龍爲季龍所敗而生將郭權以上邽來
降詔以權爲秦州刺史上邽豪族害權降季龍攻
權於郿陷之書陷者言中國之地陷于賊故也蜀
李雄字仲雋特之子也立兄蕩之子班爲太子其

相李驥王達皆諫曰吳王舍其子而立其弟所以
有專諸之禍宋宣不立與夷而立穆公卒有宋督
之變雄不聽竟立班焉雄生瘍於頭而卒書曰死
者國位不正非可言崩也陶侃字士衡鄱陽人舉
孝廉至洛陽遷至江夏太守討張昌陳敏有功中
興歸元帝元帝加侃奮威將軍又擊杜弢破之爲
荊州刺史又討杜曾平之轉廣州刺史及王敦反
詔侃領江州敦平遷都督荆雍益梁州諸軍事入
討蘇峻之亂有功拜大將軍上表遜 曰臣欲爲

元經 卷四 十一
陛下西平李雄北吞石季龍良圖未遂於此長乖
以後事付右司馬王愆期輿車就船明日薨於樊
谿年七十六諡曰桓書太尉薨正也陸曄字士光
吳郡人元帝以侍中皆北士宜兼用南人乃以曄
清正爲侍中成帝踐祚拜開府儀同三司平蘇峻
封江 年七十四卒諡曰穆書公貴之也
蜀李期雄 雄旣不立巳子乃立兄子班
於是李越 因雄死奔喪與期密圖之因班夜
哭而越殺班於殯官遂立期爲主經書期弑其主

班而不書越罪何也昔趙盾弑其君貶其不討賊
今期及越共謀殺班期實首故書期弑其主貶其
骨肉相殘自期始也石虎字季龍勒養子也勒旣
立其子弘而季龍不平乃廢弘群臣勸季龍卽位
書曰石虎弑其君弘兩名之皆僭僞也然國位不
正亦人主耳故書弑貶賊子也朱縱者何石季龍
徐州從事也殺刺史郭祥來降季龍擊奔淮南書
曰趙人微也曰來降抑僞以尊

元經 卷四 十一
經 咸廉元年春帝正月 帝始元服 二月帝親釋奠夏
乃改元

四月趙虎寇歷陽命大司馬王導禦之秋八月長沙
武陵大水冬十月乙未朔日有蝕之

傳曰帝親釋奠書始也始元服乃親行禮重祀典

也逸按帝講詩釋奠于太學本志祀孔子顏回配石季龍自率眾南伐至

歷陽臨江而旋又遣石遇圍襄陽我師屯章山救

襄陽大司馬王導總其事分遣劉峻救歷陽趙胤

屯慈湖路末戍牛渚土允之屯蕪湖郟鑿使陳光

衛京師王國保襄陽經書王導禦之包諸將以畧

其文也春秋元經有詳畧無褒貶也長沙武陵大水二郡連災

沴也乙未日蝕是歲大旱米斛錢五百書災異甚

也公羊記異以異災也元經不然異同書之

經咸康二年春帝正月辛巳彗星見于奎丁立皇

后杜氏庚申高麗來貢夏四月皇后見太廟

楊州會稽大饑冬十月廣州鄧岳擊夜郎新

與古並克之典口汾是月詔封周漢後猶周封二王後

也十一月將軍司馬勲為蜀李壽所敗

傳曰彗掃星也史臣按彗體無光傳日為光故夕

見者則東指朝見者則西指在日南北者則隨日

光而指光芒所及則為災今彗見于奎十六星天之武庫也是時石虎兵強江東武備不能振之象也皇后杜氏預之曾孫也父又奕世名德故立為皇后正也

按本傳云后長猶無齒有求婚者以此中止及帝納而齒盡生有此異相

高麗入方物東夷航海而至也是時慕容廆稱單于於遼東與東夷校尉崔毖有隙毖與高麗伐廆為廆毖奔高麗來貢者懼慕容而欲以附中國也皇后見于太廟案嘉禮皆告于廟一日納采二日問名三日納吉四日納徵五日請期六日親迎皆

有祝文今皇后見于廟所以明奉祭祀之本也揚州會稽二郡大饑詔開倉賑給禮也夜郎典占不奉貢既克之言歸順也詔封周漢之後其詔曰歷觀前代賓禮三恪故祀宋光于周典宋姬垂于漢策周漢之後絕而莫繼其詳求衛公山陽公道屬有履行修明可以繼承其祀者依舊典施行十一月遣建威將軍勲安集漢中為壽所敗案春秋敗或曰某師為某師所敗其敗績一也但文有異

爾公羊傳分為二義非也

經咸康二年春帝正月辛卯立太學夏六月旱
慕容皝立為燕王

傳曰禮始立學必釋奠于先聖先師及行事必用
幣

立學斯禮無聞魏正始二年使太常釋奠
祠孔 雍元帝 興皇子講論 于太

學今書立太學者以明 但祠孔子于中 至

是始別立太學也夏六月旱傷稼則書不書大雩

讖廢禮也慕容皝者廆第三子也盡遼左之地擊

段遼破石虎乃遣使劉祥戲捷于我自稱燕王從

其好也且言皝才兼文武不貶其為假王也

逸接載記

皝雄毅多權畧通經學知天文凡行兵陣無不勝
捷皝自立為燕王乃上表于成帝曰歷觀前代昏
明之主若親黨后族必有傾禍周之申伯號稱賢
舅以身藩于外不握朝權降及秦昭委信二舅幾
至亂國漢武重田蚡蚡死後切齒追恨成帝暗弱
外資王舅令王莽坐取帝位設賢若穰侯殿王不
聞有二主若其不才則竇憲梁冀成敗然矣陛下
舅庾亮執政輕侮邊將故蘇峻祖約不勝其憤臣
與亮冰名位殊班出處懸邈臣獨抗言者為陛下
為末計也昔徐福陳霍氏之戒宣帝不從致令忠
臣更為逆族昔王章劉向上章未嘗不斥王氏谷
未張禹依違不對取譏後世臣被法殊俗位為上
將臣若不言誰當言者又與庾冰書曰若功就事
舉必享申伯之名如或不立將有梁竇之逼方今
四海有懸倒之急 夏有僭逆之寇吾雖寡
薄早蒙元帝列將之授 務農三時用武况乃

王者之威豈同年而語哉水見書甚懼遂與何充等奏說稱燕王因其封裕諫辭乃下令田百姓無田者與苑圃耕之貧無資者賜牛一頭俸魏晉舊法中州未平官不可減待克平函魏徐更議之封生深得蹇蹇王臣之體賜錢三萬立東庠於舊宮行鄉射之禮說自造大章以代就章著典誠十篇伐高麗扶餘皆克之其文武才如此

經 咸康四年春帝正月二月石虎敗段遼夏四月蜀李壽弒其主期篡其位石虎為慕容皝所敗六月王導為丞相秋七月冬十月

傳曰石季龍因慕容皝稱藩請討段遼數為邊患季龍至遼敗未季龍怒皝不會軍乃伐皝皝擊敗

之降段遼以歸先書石虎敗段遼後書虎為皝所

敗者 石虎成文也春秋列國相伐據所赴告

而書之 內相伐無所譏貶李壽者曠之子也矯

詔廢李期為公期縊死壽即篡位改元稱漢興元

年經書弒不 縊貶壽篡逆也 按李雄之子 六月

改司徒之官為丞相以太傅王導為之 按本志丞相秦官自

趙王倫以後非人臣之稱職太宰太傅太保周三公名官各屢易非正名也

經 咸康五年春帝正月三月廣州刺史鄧嶽伐蜀執霍彪夏五月征西庾亮擊巴郡獲李閔黃植秋七月

丞相文獻公王導薨辛酉何充錄尚書事八月復承
相爲司徒辛酉太尉郗鑒薨九月石虎寇沔南邾城
江夏圍石城畧漢東民
幽冀冬十二月瑯琊王
岳爲司徒

傳曰鄧嶽字伯山王導命爲從事討蘇峻及郭默
皆有功遷交廣二州刺史 都督寧州建寧人孟

彥者執李壽將霍彪以降歸鄧嶽故書伐蜀大中

國也

按本志分益州
置寧州統八縣

巴郡爲石虎李壽交侵爲患

數矣亮代陶侃都督江荆豫益雍涼六州於是遣

趙松擊巴陵江陽獲石虎將李閔黃植春秋之法
得君曰滅得臣曰獲僖元年十月壬午公子友率
師敗莒師于鄆獲莒挈傳云嘉其獲也今書亮獲
虎將亦嘉之義也王導字茂弘覽之孫也元帝爲
瑯琊王導奉帝渡江謂從兄敦曰宜有以康濟者
吳人紀瞻顧榮乃相率拜於道左導乃進計以結
人心躬造賀循顧榮賓禮之及洛京傾覆導收賢
人君子荆楊晏安朝野傾心矣歷事三朝累遷至
太傅薨年六十四舉哀 依漢博陸侯故

事葬之諡曰文獻薨而書諡

元老中興大

功非群臣所比故書諡異常典也何充字次道王

導庾亮言於帝曰何充器局方槩有萬夫之望由

是拜命為副時望故書復丞相為司徒導薨

故復舊郟鑒字道微高平人躬耕隴畝以著

名與千餘家避難于嶧山元帝假鑒龍驤將軍

帝立王敦專政仗鑒為外援及平蘇峻詔進為司

空至太尉上疏遜位舉蔡謨薨年七十一喪事如

溫嶠故事書薨禮也石虎遣其將夔安寇沔南張

貉寇郟城皆陷之又寇江夏義我太守毛寶樊

俊鄭進為王師諱也且傷寶俊進以志死也遷民

入幽冀譏時主不能主也春秋之義有諱有譏有

歸於懲惡勸善元經亦然耳瑯琊王嶽即康帝之

母弟也為司徒言歷試也瑯琊元帝始興之國故

先經始事文見此焉謂建元元年康帝為嗣張本

經咸康六年春正月庚子庾亮薨二月庚辰有星孛

于太微夏四月秋七月聽政于東堂

傳曰庾亮字元規明穆皇后之兄也風格峻整明

帝即位以亮為中書監成帝立進中書令太后臨朝政事一決於亮先朝遺詔不及陶侃祖約以此夫人心及平蘇峻王敦皆有功遷司空薨年五十二諡曰文康書薨禮也經不書諡星孛太微本志甘氏云孛彗所當之國受其殃春秋有星孛于東方不言宿者不加宿也今加於太微者天子之庭五帝之座也 日 微為衡衡主平言天庭理法平也有妖孛于太微天庭各各應之故明年杜皇后崩次年帝崩之兆聽政東堂依中興故事也元帝

朔望坐東堂

經咸康七年春帝正月甲午朔日有蝕之

無傳三月

戊杜皇后崩夏四月葬恭皇后秋八月東海王冲薨

冬十二月司空陸玩薨

傳曰杜后諱陵陽崩年二十一無子諡曰恭書葬禮全于終也東海王冲字道讓元帝之子也帝以東海王越無子乃以冲嗣薨年三十一陸玩字士瑤吳人也初王敦逼以軍期温嶠上表申理之得不坐累遷至尚書令司空玩既拜命有人詣之索

孟酒寫梁柱間祝曰當今乏材以爾爲柱石莫傾
人梁棟耶玩笑曰感卿良箴旣而謂賓佐曰我爲
三公是天下無人談者以謂知言玩誘納後進謙
若布衣縉紳莫不蔭其德宇薨年六十四謚曰康
經咸康八年春帝正月己未日有蝕之夏六月癸巳
帝崩于西堂年二十二葬興平陵

傳曰正月日蝕六月帝崩之應也帝少爲庾氏舅
族所制及長頗留心萬幾雖無雄武之度而有恭
儉之德

元經卷四終

